



Châng Thlan: *Genesis 24:1.*

Chhiar Tûrte: *Genesis 22–25; Rome 4:1–12; 5:6–8.*

Then 1-na: Zirlâi Tlângpui Thlîrna

Thuhmahruai: Tûn kêr zirlâi Abrahaman a sakhaw zin kawng a zawha a vâwrtâwp a thlenna min luh chilhpui dâwn a, chu chu a fapa Isaka a hlanna kha a ni. He inhlanna hi Arahama rinna “fiahna” a ni a. He thilthleng mak danglam tak hi Genesis bu-a a laimu tak niin, hemi bunga a thil sawite pawimawhzia târ lan hmanrua a ni nghâl bawk. Zawhna eng emaw zât chhân a ni dâwn a: He fiahna hi eng nge ni a awmzia? Eng vângin nge Pathian hian Abrahamama hi a lo tiam tawh anga a pêk fapa chu hlân tûrin a tih leh si? Eng tin nge Pathian chuan hâlral thilhlan tûr chu a rawn ngaihtuah ang? Eng vângin nge hâlral thilhlan tûr hi Isaka a tângin berâmno lo awm mai tûrah leh, a tâwpah pheh chuan berâmpa-ah thlâk a nih?

Isaka hlan a ni ta lo khân Pathian thil ruahman dânah leh hrilhlâwkna kawngah eng nge pawimawhna a neih? He thilthleng ngaihnawm tak hi a thlen zâwh hnu kha chuan Abrahamama nuna thil thleng pawimawh dang a awm leh ta lo va. A lian tham deuh chu Isakan Rebeki nupuia a nei leh amah Abrahamama nupuia Keturi a nei leh leh, chumi hnu-ah “tar kûna dama a thih” tâk te kha a ni.

Zirlâi Thupuite:

1. **Tlanna Pawimawhzia.** Isaka hlanna hian mihring tihhlum tumna mai a ni lo va. He thawnthu hian tlanna chungchâng sawiin, tlanna rilzia, awmze ropuizia leh hna a thawh dân bâkah, a thiltum te nên lam min hriattîr a ni. Abrahama Pathian a kohna, hnam tinte tâna malsâwmna ni tûra a duanna hi Isaka hlan a nihnaa kan hmuh tlanna hmanh hian hlen chhuah a ni ta a ni.
2. **Ṭawngṭâina Thiltihtheihnzia.** Isaka nupui neihna hi ṭawngṭâina rah a ni a. Eliezara ṭawngṭâina thu mâwi tak leh chu a ṭawngṭâina lo thleng famkim ta chu awmze ril tak neiin, thlarau lamah pawh zirlâi ṭha tak tak min pe a ni.

Then 2-na: Zir Zauna

Tlanna Pawimawhna

“Fiah” tihah hian “tlanna” tih chu a awm sa reng tawh a. Hebrai ṭawnga “fiah” tih an sawina thumal, *nissah* (*Gen. 22:1*) hian ngaih dân pahnih, inkâwlhkalh tak ni bawk si a entîr. Kawng khatah chuan, rorêlna chungchâng a sawi a. A awmzia chu, “in rilru-a thil awmte hriatna atân” Pathianin a “fiah” che u tihna a ni (*Deut. 8:2; Sâm 139:1, 23, 24*). Hei hi a nihzia chu LALPÂ Vântirhkoh pawhin Chiang takin a rawn puang a nih kha (*Gen. 22:11, 12*).

Kawng leh lamah chuan, Bible-in “fiahna” a sawi hian Pathianin Abrahama rinna thûk dân chiah hre tûra a en fiahna bâkah thil dang pawh entîr tel a nei a. Mosia hian he thumal, “fiah” (Hebrai ṭawngin, *nissah*) tih vêk hi Sinai tânga khawpui a rawn rîk Chiang tuma a mite thlamuanna atân a hmanh leh a (*Exod. 20:18–20*). Pathian fiahna hi chu fiaha awm laka intithunei tak leh râwng taka chêtna ni lovin, a tâna ṭha tûr rorêlna leh tlanna thlentîr a ni zâwk. Chuvâng chuan, fiahna tih hi khawngaihna thuthlung leh chhandamna nêna inzawm tlat a ni tih hriat tûr a ni.

Tlanna tih hi Abrahaman a beisei loh deuha a hmuh thut berâmpa nên a rawn lang leh bawk. Abrahama leh Isaka te hian berâmno an beisei a (*Gen. 22:7, 8*). Isakan, “Berâmno

chu khawihah nge?” tia a zawh a—a zawhna awmzia hi, “Keimah hi em ni hâlrâl thilhlân tûr berâmno chu?” tihna a ni deuh ber mai—Abrahaman a chhânna: “Pathian chuan ama tâna hâlrâl thilhlân tûr berâmno chu a ngaihtuah chawp mai ang” (*Gen. 22:8*) tih hi a awmzia ngialngan chu “Pathianin amah leh amah chu berâmno nêna inzawmin a inhmu ang” tih a ni.

Hê thu hian a sawi uar duh lâi ber chu “Pathian” tih hi niin, Pathianah chauh an mamawh chhânna a awm tih a tilang. A hmutu tûr chu Pathian a ni a. “Amah nêna inzawmin a hmu” tih ƣawngkam hi a maksak angreng hle mai. Hebrai Bible-a kan hmuh tho, “nangmah nêna inzawmna ata kha kal chhuak rawh” tih sawina *lekh lekhka* nên khân a nihphung chu a inang reng a. Chuvângin, thiltih sawina atâna hman, *yr’eh lo* (“A ngaihtuah ang” tia lehlin mai ƣin) hi chu “Pathianin berâmno angin amah leh amah a inhmu ang” tia lehlin tûr niin, Pathian chu Berâmno angin a rawn inpe ang tihna a ni.

He thawnthuin a sawi tum chu ran hmanga inthâwina lo chhuah ƣan dân emaw, chhandamna chang tûra mihringte kan tih tûr leh Pathian hnêna kan hlan tûr min hrilh emaw a ni lo va. Isaka âiawhtu berâmpa khân Abrahamana hnêna Pathianin amah leh amah a inhlanna a entîr a ni. Chhandamna chu Pathianah a lo inƣan phawt a, Paula pawhin, “Pathianin Kristaah chuan khawvêl hi amah nên inremin a siam” tiin a lo sawi rêng kha (*2 Kor. 5:19*). Mahse, he berâmpa hi hi mihring âiawha talh a nihna piah lamah khatia hâlrâl thilhlân anga hlan a nihna khân zirlâi pawimawh tak tak min pe bawk a. Hlan a nih dân hrim hrim pawh hian thlarau lama a awmzia a pho langin, hâlrâl thilhlân hi meia hâlrâl thilhlân atân a puma hlan ngei ngâi awm chhun a ni (*Lev. 1:9*).

Hâlrâl thilhlân hian mihringte chhandamna atâna Isua Krista kal tlanga Pathian inhlanna famkimzia, inpumpêkzia a entîr a (*Heb. 9:12, Heb. 10:10*). Hetiang deuh chiah hian, Inremna Ni-ah pawh hâlrâl thilhlân an hlân ƣhîn a nih kha (*Lev. 16:3, 5*). Bible-a inthâwina chungchâng sawina châng dang zawngte âiin hei lâi thu hi Isaia hlan a nih thu nên nên a inzûl zâwk a. Hêng châng pahnihahte hian

ṭawngkam inang kan hmu nual, chûngte chu: “hâlral thilhlân” (*Gen. 22:13; Lev. 16:3, 5*), “lang” (*Gen. 22:14; Lev. 16:2*), “a man,” “a la” (*Gen. 22:13; Lev. 16:5*); “berâmpa pakhat” (*Gen. 22:13; Lev. 16:5*). Hetianga ṭawngkam inang a lo awm nual mai hian thil pakhat târ lan a nei a, Inremna Ni hman a nih dân ziaktu hian a rilru-ah Isaka hlan a nih dân kha a dah a, chu thawnthu chu Inremna Ni hman dân tûr a sawiah pawh a zep tel ve ta chiah rêng a nih hmel.

Chuvângin, Abrahama Isaia phuar hlâwma hlan a tumna hi an pafa sakhaw biakna mai a ni lovin, hrilhlâwkna zâwk a lo ni reng mai. Pathianin an hlan atâna berâmpa a rawnpe hian ni hnuhnunga Tlanna Ni lo thleng tûr chu a entîr a, chumi hunah chuan Pathianin mihringte tlanna famkimna atâna inthâwina chu a pawm tawh dâwn a ni (*Dan. 8:14, Dan. 7:9–14*).

Ṭawngtâina Thiltihtheihzia

Eliezara ṭawngtâina (*Gen. 24:12–14*) hi hlâwm thumin a then theih a:

1. Eliezar hian Pathian chu ama mi mal Pathian leh hmân ata lo awm tawh Pathian niin a sawi (*Gen. 24:12*).
2. Eliezara hian a thil tih tuma a hlawhtlin theih nân Pathian ṭanpuina a dîl. Hebrai ṭawnga “mi hlawhtlintîr la” (*Gen. 24:12*) tih sawina ṭawngkam *haqr’eh* hi thiltih sawina thumal, *qarah* atanga lo kal niin, *qarah* tih awmzia chu “lo thleng” tihna a ni a, thil eng emaw lo thlenga lo thleng lo thei bawk sawina atân hman ṭhin a ni (*Ruthi 2:3*). He chhiahhlawh hian Isaka nupui hual nêna inhmuhtîr ngei tûrin Pathian a ngên a. Tihpalh thil thu-a inhmuh lam chu a rilrua awm a ni lo. Pathian chu eng kim chung a thuneitu a nih avângin mihringte lo thlîr dâna tihpalh thil thua thleng nia lang pawh hi aman hna a thawh avânga lo thleng tho a ni. Ani chu ngaihtuatu Pathian a ni a, thil thlengte thlentîr theitu pawh a ni bawk. Chuvângin, Eliezara pawh hian Isaka nupui tûr chu a hmuhtîr ngei dâwn pawh ni mai lovin, an inhmuhna hmun tûr pawh a rawn ruatsak dâwn tih a ring bawk a. Chumi hmunah ngei chuan, a “sanhâwngseite chu

thingthittîrin” (*Gen. 24:11*) amah pawh “tuikhur kiangah chuan a lo ding bawk a ni (*Gen. 24:13*).hhihi hi

3. Eliezara a pu Abrahamana fapa Isaka nupui ni tûra Pathianin a lo ruatsak chu a hriat theih nân tehfung eng eng emaw a lo zam ve a. Chu nula chuan a hnênah a in tûrin a tuibêl chu rawn tihnam ni mai lovin, a sabengtungte pawh tui in tûr a pe ve bawk ang (*Gen. 24:14*). He a tehfung siam hi Pathianin a rawn pawmpui em tih erawh hriat a ni lo va (*Gen. 24:14; Rorêltute 6:36–40*). A lo beisei ang taka thil a thleng a nih chuan Pathianin a thiltih tum hi a hriatpui a tihna nih bâkah, chutiang taka rawn ti duh nula chu nula fel tak, thiphah tak ngilnei tak, mikhualte chungah that chhuah mi, phûh vâng ni miah lova mi dangte pui thîn leh hrisêl tak a ni tih a hriat bawk ang. Dik tak chuan, he a tawngtâinaa a dîl hi a chham chhuah hma hauh pawhin a lo thleng famkim tan tawh pang zâwk a ni (*Gen. 24:15; Mat. 6:8*).

A tawngtâina a hlawhtlin thu sawina hi mak a ni tih hriat takin “ngâi teh” tih tawngkam hmanga tan a ni a. A kokî-a tui bêl pua Rebeki lo kal (*Gen. 24:15*) a hmu hian Pathian hnêna a dîl ang tak khân (*Gen. 24:14*) thil a lo thleng ta tih hriattîr a ni. He nula hi hmêl tha tak leh mipa la mutpui ngâi miah loh a nih thu pawh a sawi bawk a (*Gen. 24:16*). A lo chawr chhuahna chhûngkua hrim hrim en pawhin Isaka nupui âwm tak a ni.

Isaka nupui tûra tehfung a lo zam kha he nula hian a rawn tipuitling dâwn em tih hriat a châk hle (*Gen. 24:17*). Mak a tih deuh tûrin tehfung a lo zam zawng zawngte kha Rebeki hian a rawn tihlawhtling ta vek a ni. A tawngtâinaa a lo chham ang chiah khân Rebeki hian a tui bêl chu a kuta châwi thla-in a tui a intîr a (*Gen. 24:18*). A sanghâwngsei kente in tûr pawh a thâlsak leh zêl bawk (*Gen. 24:19*). Chu bâkah chuan, Eliezara beisei phâk bâkin a rawn che a. A tih tûr tia tui a intîr hi chu thu hran ni se, in tûrin a sâwm a, chu chu phûh tak leh zeitakin a ti a, Eliezara pawhin mak a ti lutuk a, ngâwi rengin a en tawp mai a ni âwm e (*Gen. 24:21*).

Hê chhinchhiahna hmuh beisei hian ÷awngtâi chu ni tho mah se, a lo thlen tak tak tâkah erawh chuan mak a ti lutuk a, a âwih thei lo hial zâwk a ni. Nimahsela, a rinna chu rinhlelhna nêh a la inpawlh tho thung a; a chhan pawh a hlawhtling ta em tih a la hre Chiang lo a ni (*Gen. 24:21*). Rebeki-te in a va thlen hnu-ah chauh a zinna a hlawhtlintîr a ni tih a hria a. A hlawhtlin ngei a ni tih a hria thnu hian LALPÂ hnênah lâwmthuh sawiin a ÷awngtâi leh ta a ni (*Gen. 24:27*).

He a lâwmthuh sawina ÷awngtâina hian a tum ram a thleng a, hrilhlâwkna pawh a thleng dik a ni tih a entîr a (*Ezra 7:27, 28; Dan. 12:13*).. ÷awngtâinaa a lo dîl ang chiahaRebekin thil a ti hian Pathian chu hmangaihna leh khawngaihnaa khat Pathian mai ni lovin, thutak leh thil ti thîn Pathian, thil thlengte thlentîrtu pawh a ni bawh tih a hriattîr ta a ni.

Then 3: Nuna Bel Tûr

Tlana Pawimawhzia. I class-ah tlanna awmzia leh he thu hian nangmahni mi mal nun ÷euhah nghawng a neih dân sawi ho ang che u. Tlanna tih hian i tân eng nge awmzia a neih? Eng vângin tlanna hi kan mamawh? I ÷hian tu emaw, sual ngaihdamna mamawh ni pawha inhre hran lo hnênah tlanna mamawh a nih dân hi eng tin nge i hrilh ang? Adventist-ten tâwpna huna Tlanna Ni kan tih hi a pawimawhna sawi ho ula. Zîng leh tlâi 2,300 hrilh lâwkna (*Dan. 8:14*) kan hrilh fiah dân pawh hi in sawi ho bawh dâwn nia. Eng tiangin nge he hrilhlâwkna thu har angreng tak hian i nunah nghawng a neih?

Hê thu hi i ÷hian, sakhua ngaihsak ve lêm lote hnênah eng tin nge fiah tak leh thiam tak, âwihawm takin a hrilh fiah theih ang? Hrilh fiah thei lo ta la, eng tihna nge ni ang? Eng vângin nge tâwpna huna Tlanna Ni thurin hi i sakhaw nun, Pathian nêna in inlaichinna bâkah, nangma tân leh i ÷henawm khawvêngte tân pawh a pawimawh êm êm le?

÷awngtâina Thiltihtheihzia. Eliezara ÷awngtâi dân a÷ang hian thlarau lamah zirlâi eng nge zir chhuah theih awm? I ÷awngtâina

chhâna awm tawhte kha ngaihtuah la, chûngte aţang chuan eng zirlâite nge i zir chhuah? Chûng i thil tawnte chuan i rinna a tichak sawt em? Pathianin i  awng  inate a chh n loh  um a awm tawh em? Chutianga chhan loh i nihna aţang chuan eng thilte nge i zir chhuah? Chûngte chuan i rinna a tichak sawt emaw, a siam  ha emaw a ni em? Mi felte chungah pawh thil  ha lo thleng ve tho  h n leh, mi sualte chungah pawh thil  ha thleng fo si te hi eng tin nge i hrilh fiah ang (*Thuhriltu 9:2, 11 chhiar ang che*)?

INSIDE STORY

CHUNGLAM KOHNA PAHNIH

By *Theeda Pienaar*

PATHIAN ru hmannaa zin ka ni d wn em tih Pathian r wn hmasa lo va zin chhuah loh hi tih d n phungah ka nei a. Ireland rama ka ch n laiin, ka chh ngte erawh chu South Africa lamah an ch ng a, ka farn  erawh chu Namibia-ah a ch ng thung a. Anni hi kum tin ka tlawh deuh ziah  h n a. Thlawhtheihnaa thlawh chh ng hian Bible te, Pi White-i lehkh b  leh *Puitling Sabbath Sikul Zirlaite* ka chhiar  h n a.

Krista Panna K il wn pawh hi phawrh mai theihin ka bagah ka dah reng bawh a. Ch ng lehkh b te av ng chuan ka zinkawng thui tak hi tumt wiin, hm lhriat  ha tak takte pawh ka neihphah  h n a. Chutianga ka zin chhuah apiang chuan thil ngaihnawm tak tak ka tawng ziah  h n a ni.

 um khat chu, Dublin thlawhna  umhmuna thlawhna kan ngah laiin ka kianga  hu pa n n chuan kan t ti d n a. A insawi d nin, ani chu Irish police t na special detective hna thawh niin, thla hnih emaw, thla thum emaw danah, South Africa-a Cape Town-a a chh ngte tlawh t rin a zin ziah  h n a ni tih min hrilh a. Chutia thlawhna kan ngah pah chuan nunphung chungch ngte kan sawi ta z l a. Thlawhnaah chuan nula pakhat hi ka kiangah a  h  a; ani chuan rang tak hian, “Thlawhna  um hmun ka lo thleng t i a, ka lo l t hman  awh a ni. Ka rilru a hah lutuk!” tiin a sawi thui thui a.

“Pathianin hê thlawhnaa i chuân ngêi a ngai tih a hria a nih chu,” tiin ka lo chhâng a.

Keinin kan phalsak a nih phawt chuan Pathianin kan nun min enkawlsak thîn tihte ka sawi a.

Kan thlawh chhuah dân chuan, flight attendant-in chû nula hnênah chuan a thut lohna tûrah a thû a ni tih a rawn hrilh a. Ani chu a tho va, ka kianga thu tûr chu policeman a ni. Kei chuan, “He thil hi thil tuipuiawm tak a ni lo’ m ni? Ruâhman neiin Pathian a lo chê a ni ngêi ang,” ka ti a.

Chû pa chuan, “Pathian i ring em ni?” a ti a.

Ani chuan ka sâkhaw chungchângte min zâwt a; kei chuan Seventh-day Adventist ka nih thû ka hrilh a. Ani chuan, “Chû chu a mak a ni lo’ m ni? Ka nupui hian kum tam tak chhông chu min pianthartîr tumin a bei tawh a. Ani pawh Seventh-day Adventist a lâwm!” a ti a.

Kei chuan, “Ka hmu thei hlah che chu ka lâwm hlê mai,” ka ti a.

Chhandamna chungchângte kan sawi a, *Krista Panna Kâilâwn* bu khat chu ka pe bawk a. Ani chuan, “Ka nupuiin hê lehkhabu hi chhiar tûrin min ti thîn a. Tûnah chuan ka chhiar tak tak tawh ang,” a ti vê a.

Ka thil tawn chu chhinchhiah tlâk tak a ni. Thlawhna tum hmunah police detective pakhat min hmêlhriattîr a. Nu pakhat mahni seat lo va thû ka sawi hnênah khân Pathian ka hmêlhriattîr thei baawk a. Ireland ram hi sâkhaw tih bîk nei lo ram an ni a, Kristian sâkhaw chungchâng sawi pawh a awlsam chuâng lo. Mahse, Pathianin thlawhna chuânna remchâna kawng hnih min siamsak hlah sî a ni.

Hê kohhran chanchin hian Rawngbâwlna Thupui: “I Will Go” tih thupui pahnihna: “Khawpui liana tlawh pawh lohte leh tlawhpawh ngai vak lohte zînga Adventist pâwn lam rawngbâwlna tichak leh pêng hrang puntîr zêl,” tih leh; thupui pangâna: “Mimal leh chhôngkuate thlarauva-khat nun neih tîra zirtîra siam,” tih bâkah,

Thlarau Thianglim thiltum, “Thlarau Thianglim hruai nih Chiang taka lantîr zêl,” tih chu a phur chhuak dâwn a ni. Chhiar belh tûr: IWillGo2020.org.